


ARREST ET
ORDONNANCE DE
la Court de Parlement, sur la per-
mission aux communes, tant des vil-
les que villages, de prendre les armes
contre les pilleurs d'Eglises & mai-
sons, & faiseurs de conuenticules &
assemblées illicites.



PARIS,

*Pour Jean Bonfons Libraire, demeurant en la rue neuue
nostre Dame, à l'enfeigne saint Nicolas.*

M. D. LXII.

AVEC PRIVILEGE.

Case

F

39

.326

1562 fs

THE NEWBERRY
LIBRARY



EXTRAICT DES
REGISTRES DE
la Court de Par-
lement.

LA Court pour ob-
uier, empescher, &
euitier aux oppres-
sions, incursions, as-
semblées & cōuen-
ticules qui se font
iournellement, tant en ceste ville que
autres villes, villaiges, bourgs, & bour-
gades, du ressort d'icelle, dōt il peult
aduenir tel dommaige & inconue-
nient qu'il est aduenue en plusieurs
villes, lieux, & bourgs du royaume,

A ij

a permis & permet à tous manans & habitans, tant desdictes villes, villai- ges, bourgz, & bourgades que du plat pays, s'assembler & equipper en armes, pour resister & soy defendre contre tous ceux qui s'assembleront pour saccager lesdictes villes, villai- ges & Eglises, ou autrement, pour y faire conuenticules & assemblées il- licites, sans que pour ce lesdictz ma- nans & habitans puissent estre dé- ferez, poursuiuiz, ou inquietez en iu- stice, en quelque sorte que ce soit.

Enioinct neantmoins aux offi- ciers des lieux, informer diligem- ment & proceder contre tous ceux qui ainsi s'assembleront & feront presches, assemblées conuenticules ou oppression au peuple, gens d'E- glise, leurs personnes & biens, & de
tout

tout en aduertir ladicte Court : sur
peine de s'en prendre ausdictz offi-
ciers.

Enioinct aussi ladicte Court au
Procureur General du Roy , en-
uoyer la presente ordonnance en
chacun des bailliages & seneschau-
sées de ce ressort pour y estre pu-
blié.

Faict en Parlemēt le tresiesme iour
de Iuillet, l'an mil cinq cens soixan-
te & deux.

EXTRAICT DES RE-
gistres de Parlement.

LA Court a permis & permet à
Jean Bonfons, Imprimeur & Li-
braire à Paris, imprimer & exposer
en vête: deux arrestz d'icelle ce iour-
d'huy donnez, pour le faict de la re-
ligion: Inhibant à tous autres l'im-
pression & vente d'iceux, sans son cõ-
gé: sur peine de confiscation de ce
qui s'en trouueroit au contraire, &
d'amende arbitraire.

Faict le tresiesme iour de Iuillet,
mil cinq cens soixante deux.

Signé

CAMVS.



